

灞

山

集

下

頤


菴

居

士

集

方



潯山集卷三

宋 朱翌 撰

元宵懷都城簡胡令俊民時胡連夕在告

天豁晴光合簷收雪汁乾燈期欣在候火令不爲難方
喜春風動猶憐暮色寒仙晨今夜樂帝所舊年觀郁郁
卿雲密葱葱瑞氣盤五門雙闕聳三島十洲攢風伯清
黃道鉤陳衛赤鸞聲流車水快花影燭龍蟠入望雲裳
舉低迷雜珮珊歌翻樓上下人與月團圓夜色清凝露
香風靜泛蘭陸蓮搖豔質湯鯉轉驚瀾故國雲天外家

風楚俗完良時亦競作游興頗相干諸縣豐登際元戎
禮數寬輟耕來野父沽酒辨餘歡少問飛鳧客遙知道
室安樵青能笑語太白酌瀾漫要是弦堂宓何妨花縣
潘黃庭須默課燈錄不重看羨子閉門坐嗟予脚力殫
醉歸哦五字一一待公刊

南華五十韻

鄉里黃梅接家居祖刹鄰常聞肉身佛甘作磴坊人堅
有懸腰石空無拂鏡塵已春諸米熟自識本心真拄杖
敲頑質袈裟遶淨身衣傳千古信法待五年伸撥棹煩

師送投林避衆嗔風幡俱不動金瓦定非倫汝聽空皆
諦吾言決可遵由茲開頓教爲世作良因葉墜雖歸本
煙斜不向新鈴聲鳴白塔霧氣走黃巾塑手藏衣襲閨
姝敗鉢脣全提諸佛印開盡一花春代代燈燈續塵塵
刹刹均性天南北合道德帝王親歌鼓昭陵日梯航外
國珍莊嚴及山谷賜予出金銀龍翥開飛帛春溫布續
綸鎮安清淨境奔走護持神樓閣三千界香燈十二辰
蘇銘模妙墨柳記刻豐珉自昔炎荒地常容放逐臣流
人悲去越從者病居陳庚子何憂鵬春秋謾感麟足生

行路顰眉結念親顰卜吐千瓶水官分十束薪九韶先
幸舜五嶺後通秦氣候今無瘴人情古亦惇何嘗踈壯
客賸喜預嘉賓鼓角催歸夢江湖動釣緡時花開有信
山果種生仁武水長懷古曹溪每問津端居七里郭相
望一由旬抱被來投宿聞鐘起及晨自憐終北向天遣
試南詢竟日雲垂地通宵雨濺茵橋橫一滴上省見五
方馴飛錫泉香發連山寶氣振杖尋桃竹把佩采楚蘭
紉大禮行郊次洪恩浹海濱稍寬三面網歸作再生民
甫里將收粟松江細煮蓴橘懷工戲綵萱背更栽椿風

急團雲絮霜清洗月輪治行今數日問信不嫌頻三宿
眞成戀諸寮且遍巡鬪茶誇顧渚羹芋說西岷寺有壇
經舊誰知祖意諄持歸化嶺北大地免沈淪

送吏部張尙書帥成都一百韻

并序。案序跋從成都文類補錄

己未九月有旨謀成都帥三省具所除人以聞皆不
許止命選在廷從臣以往衆未及對上曰得一人矣
吏部尙書張燾明練端方可當一面付以便宐勿從
中覆且命退與公議公見宰相願行不辭乃以十月
六日制下吳蜀相望一萬里水逆瞿塘濫瀕陸走夔

峽極天下之險有爲公言者公曰上用我何遠之辭
何險之畏退理舟楫行日甚近於是士大夫不問識
與不識皆謂公宜在朝廷不必往成都成都可他擇
才朝廷不可無公也御史中丞具以輿言白上夫內
重久矣一命以上皆以不得仕朝廷爲恨公卿出典
方面類若不得已者其進退用捨士大夫亦不甚畱
意今公欣然承命無一毫難色而又得士論如此此
行有光矣蜀有兩張太守太宗時乖崖公仁宗時文
定公兩公名重一時爲人君所倚信在蜀最有惠愛

蜀人至今祠之今公姓同德又同名重一時爲天子
所倚又同惠愛所加能使人久而不忘懸知其必同
也旣行祖道西湖上朝士咸爲賦詩翌從公游將三
十年蒙公之知最深故爲詩千字敘公出處大槩且
使蜀人知公不減前兩張太守也紹興九年十月二
十五日序

一代亨衢上明公逸步超河東書具作圮下老相邀海
闊雲垂翼天清斗壓杓三人前鼎甲千佛仰孤鷗弟子
師尊董諸儒稱述蕭西崑收俊乂東壁絕塵囂別乘將

離汴輕舟逕指茗湖山縱清美家國尙飄飄慟哭天傾
柱歸情戶見蛸奉祠投里閭招隱向山椒竝海屯千衛
披榛拱百僚回鑾須故國負勒且今朝光列哀烏位星
馳封馬輶賢裾來接武陰沴自潛消香案依丹陛螭均
立紫霄飛鴻九天去歸鶴一聲嘹主上思圖舊王人促
見招起居還左史議論鄙南朝大呂聲揚遠元圭質匪
雕掖垣裁詔密禁路賜纓影滅澆圖興夏巡方首從姚
自南瞻析木直北望元枵玉海千尋浪江南五色鷁矯
如出塵隼凜若在秋鵬去國還追信刊章豈易堯光華

司馬甲整頓路車偉國事煩參決廷詢得具條乘時笑
乾沒許國敢輕佻河洛干戈滿陵原草木焦青春深仗
節久雨更乘橈取道先轅楚揚旌轉渡瀟不坏藏萬世
九廟正三召遂使儀如漢將令樂奏韶路迷彪過迹澗
涸夜生潮去日春仍淺歸期暑正熇君王喜不寐天下
首方翹疏奏中無隱臣生苦不聊戴天那忍其得地豈
宜驕內治今當亟高名不敢要銓衡真有託啟事復何
遼道直咸推汲謀深豈計晁定非揮扇羽寧要插蟬貂
褒貶書方舉姦諛骨合銷懷開真坦坦燕處自天天當

寧西南顧常懷參井迢徧詢醫國效立遣愈民瘠文武
資兼稟詩書氣不怵衆皆可卻穀一以委張昭除目凌
晨下行裝卽日撩被攜猶刺刺涉遠乃脩脩帆影三江
水車聲萬里橋丈人峯律吼神女峽岩龔石室畫閣淡
草堂人寂寥山圍玉壘峻水減石犀遙石表筍雙立銅
青柏未凋錦江喧士女藥市混仙樵劫墮乾坤壞流橫
海嶽漂惟茲井絡外依舊角弓弢自昔三刀夢多傳五
袴謠威餘嚴僕射功說李文饒文定棠尤美乖崖福可
徼事今難悉數公亦豈其苗秦地新通棧瞿塘穩泛橈

虎貔環外閫，耨耜得深穠。正可供壺弈，隨宐列鼓簫。蒲
鞭束高閣，竹馬戲垂髫。好閱相如賦，終閒李廣刁。奎文
天象轉，延閣士林標。此去廷無愈，行聞衆選陶。付之樞
極運，咸仰太階霄。賤子無三徑，平生有一瓢。老將書蠹
槁，時作草蟲腰。大笑玉三刖，不求銀十腰。古今同閱宙，
南北信吹藻。已類蜂黏網，眞成鹿覆蕉。屢經多盜境，幾
至獨身跳。何處地堪避，知誰戰敢挑。月明三市鵲，巢卜
一枝鷄。釣瀨長烹鯉，窮山飽聽鴉。臨書池盡黑，就局博
嫌么。臂有七賢把，丹亡九轉燒。唯堪貫薜荔，未可掇芳

薤賣藥難爭價爲農等寓僑稍能羞野葛初未識江珧
已罷尋蠶駟欣聞退羯獠誰憐人爲米敢有意遷喬過
我深披藿追涼薄曳綃狐裘憐晏子縞帶與公僑挽引
煩推轂陶甄爲置窯清時容潦倒策府著芻蕘憶昨西
湖上隨公羽蓋飄青山迎晉屐綠水泛吳船上相尊仍
美將軍勇正驍道爭棊屢覆壺響箭呈梟茶乳晴光發
香雲淨更翹晚花棲嫩菊近岸俯游鯨四望天連水羣
簪玉及瑤政親連榻坐倏見錫戈凋良月霜楓冷佳晴
雪霰銷畱公已無策鼎食望加調

成都西南大都會承平分閫之重與河東北等元祐
初文潞公平章軍國重事三省議其目而成都除帥
預焉艱難以來獨此方兵旤不作封陞自固東捍秦
南蔽吳楚選帥之慎一倍疇昔宜也紹興己未詔以
吏部尚書番易張公出鎮朝士之文者咸賦詩送行
中書舍人朱公時在冊府旣以長篇述公出處大致
典麗閎遠且爲序數百言載上親擢之本旨尤謹且
備讀者曉然見廟堂西顧遠外爲之謀帥其密勿從
容蓋如此居無何朱公貽書於公曰曷刻之以慰邦
人異日甘棠之思乎於是蜀士夫咸悅而誦之且請
伐石志之而屬公之
客仙井譚篆跋之

宣城書懷

高爽清涼郡登臨佳麗都上連三蜀重旁挾兩淮趨天
分光牛斗溪行走舳艫新林天際浦青草柳邊湖丁令

鶴歸晚琴高鯉疾驅高城布渠答近市表浮屠親具深
耕雨牛車富入租鐘魚廣教飯簫鼓敬亭巫禱請俱先
詣齋修必盡愚虔恭問杯琰疇昔夢擣蒲桃李萬家邑
魚鹽百賈區碁爭三品勝錢爲七郎輸湖上同皇甫樓
中記獨孤五雲裘可作天馬錦應無射的穹雲白蓮房
照水烏山精今及采鷹爪得同拘右史隸題榜太和存
漏壺磨牙虞吏像衣褐卯神圖蝎走收宵螯蜂謹保穴
雛泉甘黃蘗舊茶雋白雲諛幽寂谷畱馬凌歆舟若鳧
山登天柱石沙暖句溪蒲洞啟三天祕灘愁六刺迂輕

煙藏石女微雨浴花姑半夜笛聲起臨軒桂影敷謝公
亭別范孔子井猶洙舟起鷺前導橋橫龍未雩子安飛
遠近杜宇訴朝晡示爽歸田約懷冰灑篆娛白公謝霞
綺荀媪進彫胡神王能旁達心閒免外虞白龜飛入楚
赤馬棹通吳孤枕喧鼯鼠南亭聽蟋蟀貢先紅毯貴俗
尙褐袍麤蟬蛻裴丞相聰明陸大夫劉詩送拄杖班傳
出葫蘆露柱從師指金杯受賜殊漢書國史法心要藏
經郭鮒活有奇術錦還真夢驅苦心思懿老一鉢走元
孚潛隱大中主躬行外域膜儲神天北極繫念水西隅